




内閣文庫	
番號	漢 5111
冊數	16 ( 14 )
函號	286 99







東華錄卷之十四

湘源蔣良騏千之父

六月王貝勒大臣等公奏阿其那即允罪狀四十款

塞思黑即允允禔罪狀十四款畧云阿其那等以邪


党為足恃為交結之念彌堅以大位為可干而構禍

之心不已請速正典刑奉上諭我皇考聰明首出文

武聖神臨御六十餘年功德隆盛如征勦三藩平定

朔漠軍國大事皆不動聲色而措置帖然凡屬允禔

無不草面草心望風向化而獨是諸子中有阿其那





塞思黑允禔者。奸邪成性。包藏禍心。私結黨援。妄希大位。如鬼如蜮。變幻千端。皇考曲加矜全。寬宥之恩。伊等並無感激悔過之意。以致皇考震怒。屢降嚴旨。切責忿激之語。凡為臣子者。不忍聽聞。聖躬因此數人。每憂憤感傷。時為不豫。朕侍奉左右。安慰聖懷。十數年來。費盡苦心。委曲調劑。此諸兄弟內廷人等。所共知者。及朕即位。以阿其那寔無匪黨倡首之人。伊若感恩。改過自新。則群邪無所比暱。黨與自然解散。是以格外優禮。晉封王爵。推心任用。且知其素負虛

名。故特獎以誠孝二字。鼓舞勸勉之。蓋朕心亦寔望其改過遷善也。乃伊辦事。必懷私挾仇。過犯甚多。朕俱一一寬免。未罰其一月之俸。又未治伊家下一人之罪。亦始終望其改過遷善也。迄今三年有餘。而悖逆妄亂。日加益甚。時以蠱惑人心。擾亂國政。煩朕心。激朕怒為事。于公庭之上。諸王大臣之前。竟至指天誓日。詛咒不道不臣之罪。人人髮指。朕思此等兇頑之人。不知德之可感。不知法之可畏。故將伊革去王爵。拘禁宗人府。將伊家下數人正法。而阿其那反。向



久云拘禁之後。我每飯加餐。若全屍以歿。我心斷斷不肯。似此悖逆之言。寔意想所不到。古今所罕有也。總之伊自知從前所為之罪。久在朕心。所洞悉。且為天地所必誅。捫心自問。萬無可赦之理。遂以伊毒忍之性。度朕亦不信。朕寔有寬宥之心。所以故為種種桀傲狂肆之行。以激朕之怒。但欲朕將伊即置之于法。使天下不明大義之人。或生議論。致朕之聲名。或有損于萬一。以快其不臣之心。遂其怨望之意。朕受皇考付托之重。統御寰區。一民一物。無不欲其得所。

以共享皇考久道化成之福。豈于兄弟手足。而反有傷殘之念乎。且朕昔在藩邸時。光明正大。諸兄弟才識。寔不及朕。待朕悉皆恭敬盡禮。不但不敢侮慢。並無一語之爭競。亦無一事之猜嫌。歷年內外皆知者。不待朕今日粉飾過言也。今登大位。豈忽有藏怒匿怨事。必欲修報復以洩。何忍乎。無奈朕昆弟之中。有此等大奸大惡之徒。而朕於家庭之中。寔有萬難萬苦之處。不可以德化。不可以威服。不可以誠感。不可以理論。朕輾轉反復。無可如何。含淚向天。我皇考及



列祖在天之靈。定垂照鑒。阿其那與允禩。塞思黑。允禩。結為死黨。而阿其那陰險詭譎。寔為罪魁。塞思黑之惡。亦于相等。允禩等狂悖糊塗。受其籠絡。聽其指揮。遂至膠固而不解。總之此數人者。希冀非分。密設邪謀。賄結內外朋黨。煽惑衆心。而行險僥倖之輩。皆樂為之用。私相推戴。而忘君臣之大義也。此風漸積。已二十餘年。朕自即位以來。竭力料理。百凡訓誡。而又不復。不反覆諄諄告諭衆人者。祇因伊等所結之奸黨。所行之惡跡。惟朕知之最詳。最確。故三年

以來。感之以恩。惕之以威。百計化導。冀其解散。悛改。而無如阿其那倡率不從。不但不肯解散。悔過。而固結復深矣。况此奸黨之風。如阿靈阿之子阿爾松。阿蘇努之子勒席恒等。皆繼其志。而奸惡過焉。以此毫無忌憚。父子相承。先後濟惡。種類遞傳。安有止極。寔為國家之大患。必貽後日之深憂者。此不待朕之宣諭。舉國之人。豈不知乎。伊等既不肯解散。改過。若朕此時。不將朕所深知灼見者。明白料理。分晰宣諭。昭示天下。垂訓後人。將來朕之子孫。欲明晰此逆黨之



事恐年歲久遠或有懷挾私心之輩借端牽引又致無罪之人枉致冤抑况朕之所深知者在廷諸臣未必能盡知之因三年于茲朕遇便則備悉訓示明指伊等居心行事之奸險今在廷諸臣雖知之矣而天下之人未必能盡知之此是非邪正所關甚大朕所以不得不反覆周詳剖悉曉諭也諸王大臣等臚列阿其那塞思黑允禔各款合詞糾參請正典刑以彰國法參糾之條事事皆係寔跡而奏章中所不能盡者尚有多端難以悉舉今諸王大臣以為奸党不剪

奸宄不除恐為宗社之憂數次力引大義滅親之請者固為得理但朕受皇考付托之重而手足之內遭遇此等逆亂頑邪百計保全而不得寔痛于衷不忍於情然使姑息養奸優柔貽患存大不公之私心懷小不忍之淺見而不壽及于國家宗社之長計則朕又為列祖皇考之罪人矣允禔允禩允禩等雖屬狂悖乖張尚非首惡已皆拘禁尚冀伊等感發天良悔改過惡至阿其那塞思黑治罪之處朕不能即斷候再加詳細熟思頒發諭旨可將諸王大臣等所奏及



朕此旨頒示中外使咸知朕萬難之苦衷天下臣工自必諒朕之為宗社久安長治之計寔不得已之處也特諭案雍正四年六月初三日康親王等同奏為請將阿其那塞思黑久纏等速正典刑故有此諭八月直隸總督李紱奏報塞思黑病故諭朕差胡什禮前往帶領塞思黑回京伊私與楚宗商議擅將塞思黑鎖拿及胡什禮到京回奏述李紱有塞思黑一到我便行事之語朕聞知駭異斷斷以為不可特命胡什禮馳往諭之李紱奏稱並無此語胡什禮楚宗前私將塞思黑鎖拿

後又故意將鎖寬私任其脫卸朕彼時欲治其罪又恐眾人因此謂朕欲寬待塞思黑或欲加嚴于塞思黑致妄存意見是以暫行停止今塞思黑既伏其誅則從前胡什禮楚宗等擅鎖拿又私寬釋明係有意欺罔著將二人鎖拿帶往保定嚴審具奏諭王大臣阿其那塞思黑罪大惡極諸王大臣等屢請正法朕不忍即定今塞思黑已伏其誅朕心惻然今欲將阿其那寬宥以為何如著秉忠陳奏并詢各督撫提鎮各抒己見具奏九月重九節上御乾清宮西暖



閣召皇子諸王大學士以下九十四人賜宴賦栢梁體詩。順承郡王錫保奏阿其那于本月初十日病故。諭內閣九卿翰詹科道等查嗣庭向來趨附隆科多伊曾荐舉朕令在內廷行走授為內閣學士及禮部侍郎今歲鄉試朕以江西大省用伊為主考官今閱江西試錄所出題目顯露心懷怨望譏刺時事之意料其居心澆薄乖張必有平日紀載遣人查其寓所行李中則有日記二本悖亂荒唐怨悻捏造之語甚多又于聖祖仁皇帝之用人行政大肆訕謗以

翰林改授科道為可耻以裁汰冗員為當厄以欽賜進士為濫舉以戴名世獲罪為文字之禍以趙晉正法為因江南之流傳對句所致以科場作弊之知縣方名正法為寬抑以清書庶常復考漢書為苛刻以庶常散館為畏途以多選庶常為蔓艸以殿試不完卷黜革之進士為非罪熱河偶然發水則書淹死官員八百人其餘不計其數又書雨中飛蝗蔽天似此一派荒唐之言皆未有之事而伊公然造作書寫至其受人囑托代人營求之事不可枚舉今若但就科



東華錄 卷一百一十四  
場題目加以處分。則天下必謂查嗣庭出于無心。偶因文字獲罪。今種種寔跡現在。而有何辭以為之解免乎。查嗣庭着革職拿問。交三法司嚴審定擬。十月以河南學政光祿寺卿王國棟為浙江觀風整俗使。以查嗣庭玷辱科名。停浙江人鄉會試。諭岳鍾琪見今經理勦撫普雄番苗事務。地連三省。必須岳鍾琪前往四川。就近調遣。方能悉合機宜。着岳鍾琪親赴川省駐紮成都。十二月川撫法敏言。建昌所屬苗獠種類不一。冕山賊蠻余格閻壽阿祖等狂

悖不法。從前並未殲其兇首。因調漢土官兵分路進勦。而余格等潛匿山箐。茲又添兵深入梁山搜捕。請暫照松潘戍守兵丁之例支給口糧。從之。浙江道御史謝濟世參奏。河南巡撫田文鏡營私負國。貪虐不法十罪。得旨。田文鏡秉公持正。貪贓壞法之事朕可保其必無。謝濟世于天下督撫中獨參田文鏡。不知其何心。若不嚴行訊問。則鬼域伎倆得行。着革職嚴訊。務將寔情審出具奏。尋刑部審奏。謝濟世參劾田文鏡各款。自認風聞無據。顯係聽人指使。要結朋



党擾亂是非。謝濟世擬斬立決。疏入。上召大學士等官入。諭曰。昨日謝濟世劾田文鏡。今日爾等大小臣工皆云。並無貪婪之事。所劾各款皆虛。可見公道在。朕在藩邸。素不識田文鏡。因雍正元年。祭告華山。回京。復命將山西通省荒歉情形。激切敷陳。若非忠國愛民之人。何能如此。遂令往山西任賑濟之事。辦理甚妥。即以為布政使。將山西積年虧空及宿弊清理。吏治一新。嗣因河南諸事廢弛。故調河南布政。旋用為巡撫。三年以來。河工堅固。河汎安瀾。年豐歲

稔。紳衿畏法。寔為巡撫中第一。李紱自廣西來。即奏田文鏡劾。劾黃振國。汪誠。邵言。綸。甚為冤抑。張球居官甚劣。田文鏡並不叅糾。且言黃振國此時已為田文鏡監斃。滅口矣。未幾。黃振國已從河南解赴京。朕不知李紱受何人意。指其張球一案。田文鏡早經認過請罪。至汪誠。邵言。綸。皆庸劣不堪之人。叅處並無冤抑。乃謝濟世所言。黃振國。張球。邵言。綸。汪誠等事。與從前李紱所奏。一一昭合。從前特頒諭旨。言天下巡撫中。寔心任事。惟田文鏡。李衛。楊文乾三人。今



謝濟世將田文鏡糾叅顯與朕之明旨相悖。今審問謝濟世俯首無詞。則其受人指使顯然。謝濟世既自命為報効國家之人。着草職令往阿爾泰軍前効力贖罪。此案亦免深究。黃振國等暗結黨援。鑽營李紱密奏。今又指使謝濟世陳奏。閔澂以行賄被劾。乃屬托伶鎮寄信隆科多在朕前稱揚其善。在黃振國已罹重罪。而汪誠等處分不過罷官。何至要結黨援。必欲更翻前案。寔為法所難容。是以將黃振國汪誠置之重典。邵言綸閔澂發邊衛充軍。所以姑寬謝濟世


者。蓋以不教而誅。寔所不忍。教而不久。朕亦不忍誅也。雲貴督鄂爾泰奏黔省狝苗允悍。長寨一帶尤甚。臣調兵進勦。允苗川販窩黨。現今擒獲陣斬九級。破寨三十六。投誠二十一寨。招撫苗民三千餘口。查出荒熟田地三萬餘畝。得旨嘉獎議叙。河督齊蘇勒疏報黃河清。于十二月十六日。至十八日。自河南虞城縣至江南桃源縣。共六百里。群臣請御殿受賀。不允。賜內外官各一級。

雍正五年正月。川陝督岳鍾琪奏遣總兵趙儒等率



兵至普雄山即梁。番臣將首逆余格阿祖擒獻。並  
誘閻壽擒解。有嘉獎。諭刑部將年羹堯子赦回。交  
年遐齡管束。二月上。以直督宜兆熊劉師恕奏。  
原任總督李紱彌縫虧空一摺。出示大學士等諭曰。  
凡汝科甲出身之人。朕因其較捐納人員。目不識丁  
者不同。所以欲加任用。若盡如李紱鄭任鑰等之營  
私作弊。則轉不如非科甲之人矣。諭內閣九卿。前據  
李紱奏稱。田文鏡欲監斃黃振國以滅口等語。着將  
黃振國再行細訊。田文鏡有何不公不法之事。為黃

振國挾制。而欲置之死地以滅口。黃振國係必應正  
法之人。此時有何顧忌。田文鏡若果有不公不法之  
事。着伊據實供出。並不因其供出。田文鏡之矩方行  
正法。亦不因其不供出。田文鏡之矩。遂可邀寬免也。  
據黃振國俱稱。伏讀上諭。說黃振國之罪。不至斬決。  
可見皇上至聖至仁。原不要殺我。是李紱蔡珽謝濟  
世三人要殺我等語。朕前謂黃振國之罪。不至于斬  
決者。乃謂從前田文鏡奏劾之事。其罪本不至于死。  
及被叅之後。蔡珽為之黨護。李紱為之陳奏。謝濟世





又為之翻案。鈎結黨援。造作蜚語。撓亂國政。誣陷大臣。為世道人心之害。所關甚大。是黃振國之罪。雖服極刑。而有餘。尚得謂之眾不至死乎。但其所以致此不可赦之死罪者。寔由三人成之也。着並諭黃振國知之。內閣等議奏。江西考試官查嗣庭。俞鴻圖。牧受舉人牌坊銀兩。除查嗣庭大逆不道。另案歸結。其巡撫汪滌布政使丁仕一副考官俞鴻圖。應按律治罪。得旨。牌坊銀兩。尚非贓銀之比。但謂主考應該收受。亦非也。汪滌人尚老成。着降四級。以京員調用。丁

仕一由部曹特簡。荐陞布政。負朕恩。着草職發往高其倬處。或者有應修城工。或別地方工程。派伊出資効力。俞鴻圖草職在編修內行走。至追出牌坊銀兩。不必入官。俟江西舉人來京。按名散給。部覆御史陳學海條奏。直省火耗輕重懸殊。請勒酌定成規。以便畫一遵行。得旨。火耗原非應有。迫于時勢。不能禁革耳。若一經題定。數目遂成定額。清廉官不能裁減。而貪劣之員。又將取于數外。必致累民。該部即照所請。均屬不合。不准行。刑部等遵旨議。大常寺卿邵



汝魯進獻河清頌疏內故用悖逆之語顯肆譏訕請  
 革擬絞決得旨從寬免死發湖廣荊州府沿江堤岸  
 工程處効力三月開閩省洋禁定鴻臚寺衙門  
 仍屬禮部統轄會試下舉人路費閩三月禮  
 部議河南撫田文鏡請捐納貢監歸學臣約束得旨  
 嗣後事屬督撫者准移咨學臣事屬學臣者准移咨  
 督撫五月內閣等議奏查嗣庭應照大逆律凌遲  
 處死今已在監病故應戮屍梟示嗣庭兄查慎行查  
 嗣鏢子查灃姪查克念查基斬決嗣庭次子長椿大

梁克瓚姪查開查學俱年十五以下給功臣家為奴  
 得旨查灃改監侯查慎行父子釋放回籍查嗣鏢查  
 基免死流三千里七月諭內閣頃岳鍾琪奏稱四  
 川成都府城中有一男子沿街叫喊說岳鍾琪帶領  
 川兵軍馬欲行造反其人已提督黃廷桂拿獲臣  
 不敢燬說又不敢隱匿等語數年以來在朕前讒譖  
 岳鍾琪者甚多不但謗書一篋而已甚至有謂岳鍾  
 琪係岳飛之後伊意欲修宋金之報復者其荒唐悖  
 謬至于此極岳鍾琪懋著功勳朕故任以西陲要地



付以川陝重兵。而姦邪之徒。造作蜚語。謗毀大臣。其罪可勝誅乎。至于川陝兵民。向來淳良忠厚。且受聖祖仁皇帝六十餘年深仁厚澤。朕即位。又屢加恩澤。伊等志誠感激。衆所共知聞者。今奸民乃云。欲後岳鍾琪謀反。是不但誣岳鍾琪一人。而並誣及川陝兵民。以叛逆之罪矣。着黃炳、黃廷、桂、會同審明。寔情具奏。廣西巡撫韓良輔言。粵西全羅州城陽朔三州縣。有田少丁重。田多丁輕者。有棄產而丁銀未除。得產而丁銀未納者。請自雍正六年為始。按糧額派輸。

從之。九月。雲貴督鄂爾泰奏。黎平知府張廣泗率領弁兵。攻破謬冲花苗。隨續擒賊苗二百三十餘名。布歸毆鬼壘九厥。交椅兀馬等寨。花苗頭目。冊開戶口。求內附。又奏。遣遊擊徐成貞等。率兵往助四川總兵趙儒征剿四川之腊汝窩。擒殺甚多。餘皆降服。二省各撤兵回營。旨嘉獎。又奏。總兵孫宏本等。擒剿臨元鎮屬威遠新平一帶裸賊。威遠擒獻賊首扎鉄臣等。新平兇賊李百疊率衆投誠。吏部等議。河督田文鏡疏。豫省紳衿。苛虐佃戶。請嗣後照違制例。



衿監吏員草去職銜得旨倘有頑佃施欠田租欺侵  
田主何以並不議及尋議頑佃照不應重律論杖追  
欠給主直隸一體遵行從之十月岳鍾琪奏剿撫  
建昌冕山賊番事竣普雄梁山地方遼濶暫請留兵  
丁彈壓旨嘉獎順承郡王錫保等遵旨審奏隆科  
多大不敬之罪二欺罔之罪四紊亂朝政之罪三奸  
党之罪六不法之罪七貪婪之罪十六應斬決得旨  
免正法于暢春園外造屋三間永遠禁錮子岳興阿  
革職王桂發黑龍江當差命大學士九卿等觀浙

撫李衛所進瑞穀大學士等奏言皇上至德光昭太  
和翔洽是以宇內徧產嘉禾浙江又呈瑞穀臣等不  
勝懽忭得旨此非朕涼德所能致想浙省澆漓之習  
必然丕變是以感召上蒼如此瑞應朕深為浙省臣  
民慶幸著曉諭浙江通省戶部覆河督齊蘇勒疏  
報南江朱家口堵塞後丈勘得泗州虹縣桃源睢寧  
宿遷五州縣新淤成膏腴美地二萬二千六百二十  
二頃六十三畝零應即于雍正六年陞科銀四萬八  
千四百五十兩有零並設立衛守備從之十一月



諭王大臣等。現今兩藏頗羅鼐帶兵報康濟鼐之仇。與阿爾布巴戰鬪相持。應派大臣料理。俟來年青州發時前去。其料理藏內軍機。著左御史查郎阿副都統邁祿前去。選派西安滿洲兵四百名隨往。四川綠旗兵著鑾儀使周瑛帶領。陝西綠旗兵著總兵周開捷帶領。雲南綠旗兵交與鄂爾泰派總兵副將各一員。一駐又木多。一領兵進藏。各賞銀有差。尋議查郎阿于明年正月自京由西安西寧同周開捷出口進藏。後之。十二月王大臣審奏。延信眾狀四十款。請

按律斬決。旨從寬免死。與隆科多一處監禁。

雍正六年正月。諭內閣。大名知府曾逢聖前者被參。虧空。朕料必有作弊貪贓之款。今該督藩臬等曉諭地方。若果有受屈被害之人。准其以實控告審理。昨聞有老秀才呈告曾逢聖居官劣款。而布政使張迺將此秀才嚴刑斃命。詐稱在監病故。且坐以平素積惡之名。不思既奉辨寬諭旨。誣告自有國法。豈有訟獄未定。曾逢聖之案未結。而將首告之人。遽以三水斃其命。此必有意袒護曾逢聖。恐首告者多。先殺一



人以箝衆口。似此貪酷之行。世所罕見。宜兆熊劉師。怒身為總督。置若罔聞。負朕任用之恩。魏定國專司一省刑名。乃任張适恣意妄行。及朕近加詰責。則全推于張适。而置身事外。若然。則直隸臬司之設。何為。張适魏定國俱着解任。着福敏史貽直前往。秉公嚴審。先是雍正三年四月。總督高其倬奏。安南國疆界。有內地舊境一百二十里。應即清理。于賭咒河立界。安南國王奏請。上命總督鄂爾泰給還八十里。于鉛廠山下小河以內四十里立界。安南復奏請。五

年五月。頒勅諭。以該國王有無厭之求。則亦自懷遠之仁矣。安南即諭感恩悔過。具表謝恩。上以詞甚恭順。將此四十里之地。仍行賞給。二月。四川巡撫憲德音。恭草按察使程如絲奉旨正法。于部文未到之前。自縊死。顯係搜塘漏洩。請行裁革。九卿搜塘難以裁革。向來多係微末職銜。無愛惜功名之意。請行令督撫于本省武進士。及候補候選守備內揀選。三年無過。准照本班即用。後之。三月。安徽巡撫魏廷珍言。鄉民違例演戲。應嚴禁。得旨。州縣村堡之間。借演



戲為名。歛錢耗費。招呼朋類。開設賭場。種種不法。此則地方有司所當嚴禁者。至于有力之家。祀神酬願。歡慶之會。歌咏太平。在民間有必不容己之情。在國法無一概禁止之理。今但稱違例。而未分晰原由。則是凡屬演戲。皆為犯法。國家無此科條也。朕立法皆準情理至當。其有不便而革除。殊非中道。諭內閣。錢糧加耗。原非應有之項。朕本欲將此項悉行禁革。而博采輿論。凡州縣官。寔有萬不得已公私兩項之用度者。若全無耗羨。必致加派巧取于民。所以雍正

二年。山西巡撫諾岷請以通省耗羨提解存公。將閩省公事之費。及上下養廉之需。歲取于此。寔通權達變之善策。是以降旨允行。此提解火耗之所由來也。伊都立接諾岷之任。曾奏稱虧空清楚。將來耗羨便可克餉。朕嚴飭曰。本地羨餘。只應作本地用度。若歸公克餉。斷無是理。且恐相沿日久。遂成公項。不肖官員。竟有重複徵收之事矣。田文鏡亦曾奏稱。豫省虧空。彌補已清。火耗尚有贏餘等語。朕批示曰。果有贏餘。則當增添官員。養難行者。則奉行之不善也。諭



兵部烏蒙鎮雄等處。猥夷不法。已經勦撫。今又有匪類餘黨。私自嘯聚。現在用兵擒拿。所有用兵事宜。俱著總督鄂爾泰節制調度。其四川建昌等派兵堵截。亦聽鄂爾泰節制調度。四月。署南贛總兵張溥奏。准巡撫布蘭泰咨開。本標隨丁名糧。俱行招募補足。已將隨丁六十分考補五十四分。暫留六分。再行考補。得旨。文武原屬兩途。養廉用度。亦各不侔。督撫衙門耗羨等項。足資為用。隨丁固可革除。撥鎮舍隨丁名糧之外。別無所出。倘將此項裁革。無以養廉。勢必

諸事掣肘。且衙門用度不足。即有廉潔之員。亦易改操。此揆情度理。有<sub>下</sub>不當革除者。又布蘭泰併鎮臣之隨丁名糧。亦勒令廉之資。使其用度寬裕。倘再有贏餘。則當再減民間火耗之數。使其儲蓄充盈。蓋朕之准撥解耗羨。原是愛養官民之苦心。若支給地方公用之外。尚有餘資。即准收作公項。朕必不為也。前陳時夏亦奏。其撥解耗羨之法。因其有分別地方有無多寡之語。朕諭云。若有所分別。使可高下其手。易滋弊端。諭旨如此。聞陳時夏向人云。奉旨令全撥耗羨。



此乃陳時夏自行奏請之事。而以名歸之朕。朕不受也。今魏廷珍又效此法。具摺陳奏。恐外人不知。以為出自朕意。故此曉諭。蓋提解火耗之舉。若行之果善。亦督撫分內之事。不得居功。倘行之不善。寔足為身家性命之患。總在伊等自行度量。願行者朕不拒阻。不願者朕亦不强也。五月。諭內閣。田文鏡自到河南。忠誠體國。公正廉明。以此上感天和。據前三年收成豐稔。而本歲八府各州二麥復登大有。又如連年豫省黃河工程。當暑雨之際。全無泛濫。此皆天地嘉

佑之明驗。吏治民風之善。寔為直省第一。鄂爾泰公忠勤誠。寔心任事。是以雲南地方。連歲豐登。若各省督撫。皆如田文鏡。鄂爾泰。則天下允稱大治矣。今思山東民俗。官方宜加整理。著將田文鏡。授為河東總督。管理二省事務。此朕曠典。不為定例。鄂爾泰疏報。調遣官土弁兵。深入賊巢。擒苗賊首。惡刁正彥。并其黨與。得旨嘉獎。議叙。六月。命浙江總督李衛。管理江蘇七府五州一切盜案。各營兵弁。聽其調遣。田文鏡奏。河南孟津縣居民翟世有。本年四月拾獲



陝西人秦泰買花銀一百七十兩尋主給還並不受謝已給匾獎賞並請立碑獎勵旨朕心深為喜悅着給與七品頂帶仍賞銀一百兩以後各處奏拾金不取者甚多不能悉載錄江西巡撫布蘭泰奏清江知縣牛元弼于需雨時並不親身祈禱屠宰甫禁旋開張筵唱戲政務不理臨江知府吳思景代為隱諱請一併革職得旨牛元弼于屠宰開禁之後張筵唱戲不比祈禱之時若牛元弼平日性好聲歌耽于逸樂布蘭泰何不早行參奏至所參政事不理亦當籍指其廢弛者何事今

因一時意見遽將該縣嚴參并知府一同革職定例屬員犯贓知府徇庇及失察其處分降級調用今因屬員唱戲而遂將知府革職似此越例之事幾有作威作福之意矣凡督撫當為國家愛惜人才若誤去一員更在誤薦一員之上天下人才幾何豈可用一時之喜怒而濫行摧折乎水旱為災係乎督撫大臣之感召徒恃祈禱虛文已屬庸鄙之見及欲屢過屬員以謝己責不亦屈抑之甚乎牛元弼吳思景不必革職若二人另有虧空劣蹟着查明續參若別無劣



跡着送部引見。鄂爾泰奏四川所屬涼山近連米貼地甚荒野吞都沙馬雷波黃螂各土司俱係米貼裸賊祿永孝姻親助惡謀逆臣遣總兵張耀祖等三路進剿擒永孝妻陸氏旨嘉獎尋奏米貼賊党悉平岳鍾琪奏五月二十五日頗羅鼐率所部與直抵西藏將布捷拉圍困二十八日各廟喇嘛將阿爾布巴隆布奈扎爾鼐等擒獻告稱既獲仇人即欲回後藏防守隘口乞奏聞得旨頗羅鼐兵丁殊為効力著給銀三萬兩令其賞兵諸王大臣奏阿爾布巴殺

害駐藏貝子康濟鼐罪難寬宥今仰伏天威三人悉行擒獲西藏平定合詞奏賀八月田文鏡奏高邱賣麵貧人陳懷金拾獲遺金二十四兩全數付主力辭酬謝旨嘉獎給九品頂戴賞銀五十兩准浙江士子明年鄉試御史晏斯盛奏八旗巡役每以查拿僭越借端肆橫臣乘馬入城並未令人導引祇用隨行一騎偶然驚突當行前鋒兵丁等遽將臣拘至營房收管旂大臣問明始行放回似此巡查不寔臣不敢以事涉己身隱忍緘默得旨凡官員等車馬



儀從之屬各有等次。從前降旨申飭，原以重體統而防僭越。今右翼前鋒兵丁等借端滋擾，混行查拿，甚為多事。若被屈官員，隱忍不言，則此輩益致肆行無忌。晏斯盛據實陳奏，甚屬可嘉。着交部議叙。其生事妄行之兵丁及該管官員等，着交部議處。十月，諭廣西八達塞兌苗素行不法，從前提督田峻意欲用兵征勦。朕諭令慎重籌畫，不可輕舉。乃田峻遣弁失宜臨事疎忽，以致極小苗寨相持日久。粵西自韓良轉李紱甘汝來等數人辦事習為怠玩，諸事廢弛。而

田峻又係中材，以致兌苗公然肆惡。迨鄂爾泰調發滇黔之兵甫到其地，逆獍即行投首。黨衆悉皆向化。查廣西雖廣東總督駐扎之處較遠，而與滇黔二省相近。着鄂爾泰總督雲貴廣西三省，加浙江糧道蔡士舫僉都御史銜為浙江省觀風整俗使。岳鍾琪報四川建昌鎮屬喇汝窩逆番了馬車劫黨搶劫，撥兵進剿。于本年七月擒獲了馬車並賊黨番彊底定。十一月，諭內閣江西巡撫布蘭泰人言其過于刻薄，朕面加詢問，奏稱臣在江西所辦事件，往往從



重從嚴待皇上勅改使恩出自上朕聞此語心中戰慄不覺汗流浹背夫辦事之道惟在秉公得理中正無偏今有意嚴刻先為過甚以待折中必朕留心體察方得更改伊又未預先奏明朕又安從逆料其有心過嚴而事事皆為駁正乎况巡撫所辦事件不陳奏于朕前者甚多安可預存嚴勵之見布蘭泰溺職已甚着革職十二月諭兵部嗣後下江軍政舉劾着總督范時繹張大曾同浙督李衛辦理戶部覆署甘肅撫張廷奏甘省由前撫石文焯收買小錢

改鑄大錢擾民已甚請暫停鼓鑄應如所請得旨前伊都立曾奏請收買小錢朕嚴飭以民間行使已久今若收盡一時未能多鑄大錢則市易不敷大有不便石文焯又奏請朕批諭不可急驟乃石文焯復具摺懇請朕以必確有所見是以允行不料貽累官民至于如此石文焯甚屬草率交部議處戶部覆廣西撫金洪疏言桂林府屬潯江等處各礦請召募本地殷實商民自備資本開採所得礦砂以三歸公以七給商其梧州府屬之芋英山產有金砂請另委員



辦理粵西銅器稀少。不足以資鼓鑄。如開採得銅。並請價買以供鼓鑄。從之。諭戶部江南錢糧積欠甚多。着戶部侍郎王璣刑部侍郎彭繼新前往會同巡撫總理其事。蘇州等府着府道等五員分查江淮揚三府及徐通邳海四洲分查大員着于科道部屬揀選引見派出。亦令李衛與聞。

雍正七年正月雲貴督鄂爾泰奏十月二十九日恭遇萬壽令節滇南省城五色慶雲捧日。經辰己午三時至十一月朔絢爛倍常。呈現兩日。寔從古未有。

之祥奉旨朕每遇此嘉祥不敢絲毫慶幸。惟倍加敬畏。况此寔卿忠誠所感。而獻于朕壽日者。正表卿愛戴之心也。尋允宜付史館 巡察山東御史蔣洽秀題叅。利津知縣李周寔陶知縣張釗奉行保甲不力。得旨數省之中。差遣御史巡察監案駟站者。皆因地方遼闊。以補督撫耳目所不及。非令操叅劾之柄。侵督撫之權也。蔣洽秀以不力行保甲。叅知縣二人。是顯欲自作威福矣。夫保甲社倉二事。本屬善政。然行之必以其漸。始于地方有益。而閭閻不擾。是以數年來。降旨



督催恐急遽中轉滋民累也。山東已在田文鏡節制中屬員優劣自能訪察亦不必更設巡察御史。着將洽秀撤回。二月諭內閣歷來河道總督如靳輔齊夔勳宴為國宣勞又安百姓合於有功民社祀典之例着巡撫尹繼善等就近地方建祠祭祀。三月飭令各省督撫提鎮凡有揭帖必隨本章同發封套注明日日申送通政司通政司于送本次日始令提塘分送部院科道從御史姚之駟請也。諭內閣田文鏡蒞任豫省以來宴政宴心感召天和該督之功宴

為可嘉。兼該省紳士庶民風俗向來醇樸又能遵封疆大臣之教人人向義輸忠宴可謂良民矣。着將豫省雍正三年錢糧蠲免四十萬豫省士風謹厚有餘而才具明達不足着將所屬府州縣選才猷可供任使者不拘人數資格送部引見。又念中州之民務本力田勤耕作著於例舉老農外每處各舉一人給以八品頂帶。岳鍾琪奏四川逆黨截糧傷兵提督黃廷桂遵旨率兵先勦雷波維破拉密旋攻結覺又平定平底噶哈阿路阿照等寨洞一百餘處兇犯全獲。







